

船

山

詩

草

船山詩草卷三

遂寧 張問陶 仲治

戊巳集

戊申

三月十一日由棧道入京師發成都作

春風吹夢蜀山深又改清絃譜
爨琴對影此時憐綠鬢登臺何處築黃金
飄流婚娶如重耳慷慨交遊想季心
二十五年身世感匆匆掄指去來今

才乘煙月上瞿唐風雨旋驚閣道長
舊素新縑成小劫南船北馬似他鄉
一年歸興傷流寓再鼓文心怯

戰場利市要防詩作崇莫收雲棧八奚囊

七月十四夜京師望月

萬里故鄉月紛紛照客衣
天長蟾影逼人倦露華微
旅館秋歸早家山夢到稀
別來無一字流恨滿清暉

偶作

奔走虛中歲窮愁已十年
攻文聊送鬼辟穀便能仙
八夢惟孤鶴畱看剩一錢
故人原不賤裘馬自翩然

重陽京兆榜發誌喜

重陽風雨竟無聲
秋榜傳來乍有情
自笑登科逢故實
和凝衣鉢十三名

送家鶴坪太守之任河南

名松孫長洲人
曾爲吾郡太守

懸庭不愛錦江魚分得陽春到敝廬已引巴人同和
曲更教石室有藏書門情宛轉憐張闔臣叔堂皇勝
魏舒自憶蓴鱸理歸棹天涯計日望登車

客夜

時新遣病奴歸
故第四句及之

函關劒閣太岾巖堯沒馬塵中自暮朝賸有琴書千里
共更無僮僕一身遙客衾澹定忘寒暑鄉信重緇破
寂寥却憶故園諸弟妹紅燈聚語闌深宵

寄杜霖溪明府二十韻

夫子東吳秀聞雞早着鞭詩名原在杜利器必歸燕

宰著神明號家藏錦繡篇
付時驚驥足振翼羨鳶肩
郢曲邀君和窮交倍我憐
契投今雨外心折古風前
商羽欣同調泥鴻各異天
長途紆萬里離緒繞三年
昔去真徒爾重來亦偶然
騎驢懷舊刺坐客歎寒氊
身枉登千佛囊羞贍一錢
行歌經市上沽酒憶壚邊
海闊萍難合霜清月自圓
空懸徐穉榻誰擘薛濤箋
彥會期他日吾門重此賢
賞音絃指寂惜別歲華遷
臺迥才多俊鳬遙令似僊
宦情如食蔗慧業欲通禪
文采畱中葉飛騰卜右蟬
飄零嗟鄭谷莫笑苦黃緣

得舍弟壽門書

夢遠西堂寂風高北雁斜鄉書欣入手弱弟解持家
惜別憐泥爪懷歸感歲華羨君騎款段鄉里竟相誇
戊申歲臘寓外舅贊善公宅感事有作

天涯別鵠慘離羣三載浮蹤幻似雲孤館重依崇讓
宅荒阡遙痛魏城君元稹俸薄難爲奠孫楚情多不
在文繡祿剩攜嬌女伴俦停泉路莫輕分

周孺人生一女復早

穉

中年兄弟別離多苦把毛錐受墨磨得第紅箋交素
壁題名異地喜同科聲華敢道追求點恩愛終期似
潁坡屈指春風隨計吏劒門關外跨青羸

亥白

樂趣人誰似我疎無多骨肉總離居杜陵有妹今安
在班史重修恐未如咏絮乍驚微雪夜結荷未廢大
雷書傷心綿悞畱哀語猶望歸寧慰倚閭
四妹歸漢軍高氏早

寄壽門

吾家弱弟好風神頭角崢嶸小玉麟常惜遠遊規伯
仲自誇戲綵樂昏晨附書能寫三川事見雁應憐萬
里人寄語阿奴吾愧汝膝前鵬笑得天真

憶家居時下酒物惟蝦蟹最不易得客窗無
事戲用歐公白戰體隨意賦之

相逢一笑君胡胃天與稜稜骨像凶雅善屈伸真似
蠖盛誇頭角儼如龍此腰縱未因人折吾腹誰言不
汝容他日東遊期大嚼荒江積葦好藏鋒蝦
爬沙鑿石苦搜求可奈相如嗜遠遊何處湖山添酒
興坐看湯鼎動鄉愁文章定卜都亭夢磊落誰療壯
士憂右手持杯爲三嘆頓教籬菊不成秋蟹

臘八日

丁未此日自
成都到家

去歲還家逢臘日今年臘日遠思家兄酬弟勸情如
昨物換星移事可嗟旅食一甌憐佛粥鄉心萬里入
梅花長宵歸夢分明極社酒邨燈笑語譁

雪

一庭飛雪影翩翩靜聽風檐凍雀喧何苦尖叉尋惡
韻且隨鹽絮作陳言閒中詩草如春笋夢裏梅花滿
故園五劇車聲忙底事有人高臥不開軒

憶家園四首

不安旅食響枯腸忽憶鄆筒酒正香爨婦調羹頻下
歧厨人燒笋佐持梁味堪適口新巢菜滑可流匙好
蔗霜却笑季鷹歸較晚天涯無事早還鄉

紛紛桐乳正當門簌簌櫻魚入饌膾老綠一籬瓜易
夏嫩黃半畝竹生孫蕉舒大頁翻牆角菊散微芳護

石根飯罷倚林呼阿段青紅影裏課雞豚

桑顛日午有鳴雞春韭秋茄綠滿畦倚樹偶然傾白
墮買花不用費朱提得天儘愛閒桃李落實難拋舊
棗梨逆料鄉書無別語寄聲惟道子規啼

賃廡終須有數椽何勞辛苦歎無田猪肝累尹身難
避雀舌畱賓手自煎舍北條桑能取利市南沽酒不
論錢舊巢宛在空回首飛鳥依人亦可憐

懷亥白兄壽門弟二首

同氣吾三人我更長于客咄嗟五年餘聚日不踰百
親舍成逆旅賓館如安宅無事苦自擾狂奔究誰迫

功名是何物坐使骨肉拆榮利已薰心別離尤動魄
強顏向他族無乃非良策心驚梁里澗感切懷遠驛
何似常對牀聯吟風雨夕

昔歸歲在馬奔泉如渴驥

丙午

到門田舍空觸藩苦不

利今年同登科且作沐猴戲

戊申

光陰一彈指歲月偶

然寄造物喜弄人窮通兩難避名言憶大蘇朱顏寧
可恃便封萬里侯何與骨肉事感此謝交遊終日忽
忽睡夢回入蓬華騰笑伯與季痛飲乃盡歡狂談總
無忌醉中舞萊綵爲我二人媚至寶惟團圞情真境
豈僞

感事

常鱗安分守泥沙身外浮名畫足蛇拋去歲華輕似
瓦攢來鄉夢亂如麻雲山行腳疑前世貧賤依人感
故家諛墓無金獫獢笑不須肱篋避劉叉

中年漸厭夕陽多道路銷鎔病折磨有賦勿煩人作
敘無田不畏吏催科酒壚夜月悲燕市茶竈春風憶
趙坡嬾向塵埃爭捷足櫪中閒煞老疲羸

彈琴擊劒註全疎風雪長安不易居同里何人楊得
意倦遊多病馬相如誅茅遙想三重屋烹鯉難逢一
紙書頗憶少遊平日語莫騎欵段出鄉閭

卷三
二
螭點蟬痴亦愴神幾曾世網罩天麟驚心萬事無長
局彈指千年似隔晨壯歲何功詩送日名場未脫墨
磨人他時好約遊仙客星滿寒壇禮玉真

作家書

情話忽在喉欲言人萬里何以達余親惟憑書一紙
低頭拈秃筆絮語不啟齒喜怒呈心顏訊述雜彼此
如揮七絃琴其音俱在指聲飛入蓬華儼若吾歸矣
開緘恍面談瑣屑過文史小弟聽或駭老婢聞而喜
言之不見人聆者先以視遂使孤客歎灑然盈衆耳
伊誰泐此術繙地差足擬用以畫羈愁萬金真可抵

古人重骨肉後人重朝市但願名利生不畏別離死
我生豈大愚胡爲亦若是風雪滿都城驚寒常夜起
妻孥誰在眼獨咳昏燈裏偶聞征雁鳴急欲覓雙鯉
披裘拂長箋指僵書愈駛結念繞庭闌餘情憶桑梓
嗟予對牀人庶免呼庚癸心長目苦炫語亂複且俚
鄰雞忽唱晨刺刺猶未已瘦僮儼蹲鴟吟臺榭正美

望家書

遠客望家書迫如農望歲歸心逐奔馬猛疾不可制
嗟予骨肉問五載九分袂復爲萬里行飄忽無根蒂
轉眼便終年偶然邀一第欸段憶鄉園疲驢苦燕薊

舟山言正
卷三
況當歲云暮雨雪增淒厲惟仗雙鯉魚作我驅愁計
經時尺素斷亂愁愈難雍夜深聞剝啄蓬門悔早閉
疑有消息來鬱極喜翻嚏開簾風浩然但見晨星雪
團樂富兒福別離窮者例感憤多哽咽怪幻驚夢噫
書史有偽作此札聖莫替

祠竈日

黔突知何日飢驅笑此身加餐誰勸客就熱久因人
旅食餬余口行廚報爾神還山當辟穀三歎撤勞薪

戊申除夕

還鄉待明年餞歲惟欲速耳聞臘鼓鳴心已復邦族

土風重守歲紅爐煖茅屋闌底臘猪肥甕中家釀熟
承歡聚庭幃屬屬到僮僕巷北聞呼盧市南或徵逋
燈火亂前街兒童獾似鹿邑小人聲雜達晨不肯宿
蕭然坐孤館骨肉誰在目遙知天則同可嘆地難縮
薄醉早登牀人海驚我獨

巳酉

巳酉元日

東風還向客邊生不斷天街爆竹聲羈旅頓忘新歲
樂園樂偏觸故鄉情百年似夢渾難說一第如棋亦
偶贏差喜遠人遊上國也隨衢巷賀王正

人日偶作

南船北馬儘飢疲皮骨空存病不支
總爲噉名親筆墨未能知命亂著
龜疎于骨肉無天趣嘗盡艱難好
酒悲便擬從今研易象中年學道已嫌遲

上元夜獨坐偶成

一墀晴雪靜當軒短燭熒熒照上元
佳節偏逢人臥病他鄉相對客無言
紅鑪綠酒輸鄰舍社鼓村燈夢故園
記得年時諸弟妹綵箋爭擘鬪春旛

十九日驢背作

驢背詩情古天涯破錦囊風塵嘲杜老
衫笠畫囊陽

人困鄉愁集春寒酒力強竟遭長官罵應坐大顏唐

遊涿州智度雲居兩廢寺

寺各有塔

破毀漏斜陽螺髻昏鴉據髡奴似黠奴勢落打包去
臨風想雲構樓閣空中塑實像本非真盛衰彈指悟
兩家牆壁通一片松陰暮露坐二如來遙遙長對晤
舊時門戶別欲辨知何處塔影自雙分黃金誰再布
地寒佛不靈境熱僧先赴世尊妙無心只向西方住

早春與林朴園芬陪劉將軍烜及澗南兄弟

遊樓桑村

苔紋繡澀黯碑銘肅肅陰廊聚百靈將相威儀見章

武棟梁風雨記乾寧將軍弔古情英列遊子尋春思
渺冥回首憑陵天萬里杜鵑聲斷蜀山青

喜亥白兄至都

君至欣如我到家翦燈絮絮問三巴一年聚散悲身
事萬里庭闈感歲華何日鄉居隨父老不堪旅食飽
風沙近來苦憶鄉園樂牛背斜眠嗅稻花

下第西歸

得失從來過眼空買車休笑太匆匆家居未定搬薑
鼠身事難推負蝨蟲綠髮也應愁萬丈黑頭幾輩到
三公還山不是乘槎客誰把升沈問卜翁

定州至正定道中懷古

衆香國廢野花妍
闕古堂空舊礎偏
片石有情留雪浪
夕陽無語下琴川
鮮虞宗祏餘荒壘
臨濟兒孫有病禪
爲問滹沱怒何事
送殘風景自年年

端陽相州道中

題魏家營壁

滿面塵沙減帶圍
文章無命合西歸
故人半是中朝貴
細葛含風正賜衣

杏子櫻桃次第圓
炎涼無定麥秋天
馬蹄步步來時路
照眼榴花又一年

宜溝曉發羈車

旋轉一蹶夜模糊覆轍徒勞戒僕夫

前數日
白覆車

自恃

神全能不死莫誇馬老盡知途迴車隴坂空懷古折
臂公卿那到吾記得家山攜蠟屐醉歸從未情人扶

英豪

蘇秦自秦歸
宿此故名

山雲隴樹遠蒼蒼鈴語雞聲趁早涼熊耳數峯青似
黛馬頭初日白千霜途長屢覺人音換食儉全憑骨
力強笑煞當年蘇季子陰符一卷速秦亡

硤石驛題壁

秦關高迴暮雲齊回首中原萬壑低目往自來三輔
北無風無雨二陵西店門柳色思前度驛路槐花覓

舊題誰道峭函天下險時平不用一丸泥

靈寶

風塵常恨別離輕又向桃林塞上行古戍隔河微見
影亂山迎客不知名帷車閉置如新婦茅店酣呼雜
老兵明日入關須痛飲臥看殘月墮雞聲

函谷關

戰地生機盡時和草不蕃干戈貽實禍道德寄空言
穴處民風驚沙飛日氣煩秦人從古拙那解住桃源

泉鳩

赤日黃雲扞麥天一灣柔綠白娟娟風沙孤負泉鳩

水移向江南定可憐

盤豆驛

驛路風塵暗重關說未歸漢原多暮色秦月有寒威
碧樹圍山館黃沙點客衣樊南餘韻在遙岸荻蘆肥

潼關

時平容易度雄關拍馬河潼自往還一曲纁黃瓜蔓
水數峯蒼翠華陰山登陴築版丁男壯時方築城呼酒烹
羊守吏閒最是綠楊斜掩處紅衫青笠畫圖間

符秦王武侯墓下作

捫虱雄談舉世無英雄畢竟恥爲儒人如諸葛真名

上天屈夷吾佐霸圖垂死尙聞三歎息過江寧免一
征誅獨憐王謝持衡日惟讓桓溫物色殊

登華陰廟萬壽閣望嶽同亥白兄作

車馬年年太華西幾時結屋傍雲梯人宜玉女峯頭
老天近蓮花頂上低地擘雍梁山自好詩畱李杜我
何題歸將閱歷誇鄰叟指點圖經定不迷

華州

城郭垂楊裏邨墟少華前年豐民氣健山近土膏堅
麥酒難療渴駝羹不取錢可憐回去客枵腹過秦川

華州西溪

子美爲功曹日遊此稱爲小曲江
又郭允伯宗昌有松談閣在溪上

功曹遊燕處風景亦無雙
魚鳥猶天寶煙波小曲江
叢祠環水木少華滿軒窗
更訪松談閣新苔繡石砉

渭南遇雨

買得征車日日晴
炎風酷暑送行旌
朝來一雨清人肺
臥看垂楊過渭城

驪山雜詠

寶炬金蓮照地光
山雲猶自想衣裳
念奴憔悴龜趺
老誰與詩人弔夜郎

賜酒爭憐塞上酥
銷魂一斛舊明珠
不知清豔樓東賦
敵得霓裳小序無

登煎茶嶺絕頂雲中遇雨

雲外疑無雨，肩輿出萬山。
那知披靉靄，猶自聽潺湲。
衣冷龍腥逼，梯危石骨頑。
風雷不驚客，浩蕩起眉間。
客路繞鴻濛，真疑帝座通。
亂雲皆足下，急雨自空中。
古戍籠煙黑，蠻花傍嶺紅。
黃牛何處驛，翻恨不途窮。

東河橋

林壑簇天半，鳥路青濛濛。
冒雨望絕頂，開翼愁飛鴻。
一峰入雲去，靈怪安可窮。
綠梯追俊鵲，呀然如出籠。
不驚奇險失，忽訝桃源通。
山橋隔濃柳，鴈齒參差紅。
人牛臥大石，高樹爲之宮。
桑麻樂世外，雞犬鳴空中。

煙霞隨地足胡爲隨轉蓬以骨誓青山不隱非英雄

五月二十七日入棧值余生日戲作二律邀

亥白兄及呂湘帆和

久客頻驚歲月馳身官磨蝸獨難移那堪馬齒加增
日剛及蠶叢試險時舉酒翻疑三島近讀書未恨十
年遲從今細蠟遊山屐五岳全登不告疲

藺壑千巖照眼新崎嶇難盡百年身親朋二意還家
早殺核他鄉人饌貧陟險亦能添甲子衛生何用守
庚申世間只有名山壽苦論彭殤可笑人

雨後發黃牛堡

夜雨灑衆壑溪澗吞江淮怒濤奔西南繞足爭喧歷
噴沫激奇石宛然灑灑堆山腰俯危棧白日騰風雷
彷彿瞿塘遶孤舟落大沔年時飽艱險蛟螭狼與豺
片帆峽底出一騎雲中來所遇無坦途那得心顏開

長橋至草涼驛卽自

萬木支危欄參差出山腹闐然怪石橫覆額儼如屋
林高谷鳥歡草暗山魃伏羶笠黠微紅髻絲濕寒綠
人生入圖畫絕險亦奇福胸膈來清虛何須饜梁肉
柳樹灣西去一帶山田

新耕八亂峯豺虎畱不得菽麥未全收山田紛五色

老農貪地利垂死竭筋力登高呼亞旅褻糧若遊食
剪闢窮其巔近天猶未息朝來雨膏足播種任滋殖
阡陌小區分居然成典則倦歸臥茅屋仰視開胸臆
舊日眼中山相看那復識岡陵自嘲笑懷寶招殘賊
面目全失真徒勞金翠飾

鳳縣豆積山

崖上有張果祠

山骨累層階破碎各盈尺界斷衆峯青丹赭紛然積
巍峩儼畫屏俯瞰嘉陵白半崖簇樓觀知是仙靈宅
孤根戴短亭傑閣逗危石窗櫺粲可數照眼亂金碧
時有飛雲來亭亭如遠客美人愛淡粧豈必棄芳澤

何年李將軍畱此小斧劈

鳳縣得婦書

十樣鸞箋百斛愁
拈毫浣淚寫蠅頭
銷魂猶怨春明柳
那識歸人已鳳州

登鳳嶺絕頂俯看雲氣同亥白兄作

朝發鳳州郭濃陰蔽千里
陟嶺攀危梯漸入層雲裏
隔手瀾漫不辨人肩輿
飄渺凌虛起炎炎五月驚隆
冬苦將俗骨追仙蹤
擬從世外招黃鵠只恐
竹間過白龍披雲突出如
披絮碧空影淨開清曙
高低轉眼變陰晴回首
塵寰渺何處人境迷離
太不經來時鳥

路愁冥冥劍鏃爭割柔難分吁嗟束手窮五丁林壑
無根欲浮動翦然側耳聞風霆却似金焦南望海波
湧島嶼錯雜微露尖山青遙峰環擁滿巖缺欲覆神
鬣氣蓬勃仄映晨暉四照清一堆晴雪真明瑟翻憐
下界雷雨黑妄指精靈疑出沒閉門猶聳電光圓那
識征人在天闕

心紅峽

雲棧第一佳處

萬綠擁孤峽春歸花自妍日斜苔壁冷雲重石橋偏
一水淨無暑數峯青可憐
蠻煙飛不到今是此山川

紫柏山

雲籠紫柏山煙樹何濛濛巖洞七十二傳是精靈宮
道人揖我前指示誇神功差堪悅狂瞽那得聰首龔
造物無弃物人事安可窮誰謂龍鸞姿甘爲蟠螭蟲
世人畏速化悲戀攢心胸昧然去實境苦向虛無攻
術盡身亦滅一散隨東風焉知不死藥近植塵寰中
靈異或時有庸鄙非所崇淮南古叛王雞犬皆升空
豈茲沖妙名蠢動胥能蒙遙憐山谷民世外留孤踪
足未入城府老瘦方雙瞳修短縱少異沈痼將無同
偉哉張子房仙骨真英雄

道院題壁

山中花信甚遲時閏五月也芍藥纔破蕊

春去花時誤天長客路遲雲山攜不借風雨歎將雕
齋散鐘魚寂林寒洞壑奇結茅真可托誰寄草堂資

畱壩

澗底黃茅屋雲間白版扉田高冬水足

山田無灌既之利多預積

雨雪土人謂之畜冬水

樹冷夏蟲稀防虎弓常挽驚人鳥乍飛

幾時真辟穀長與赤松歸

武關驛

世治挾九泥蒼蒼隴樹齊陰崖遲見日高嶺乍聞雞
鳥亂青羊水山危白馬氏中原渺何處夢落武關西

焦巖

大斧何年劈山腰一逕微曲欄關命脈片石逗危機
癭俗霜髯醜蠻江雪浪飛堆盤湯餅熱旅食苦難肥
武曲看裏水新漲

一水排山勇雙崖束浪高欲傾巴峽淚如看廣陵濤
窄馬盤空瘦神鳥負日豪雲均見孤艇直想駕鯨鼈

將軍石

石形如大冑在七盤嶺下出水中上鐫屹然砥柱四大字

奔湍自豪放絕壁苦羈束盤澗出奇峰岌岌蒼龍角
世治氏羌平西戎久臣伏天河洗甲兵兇螫棄崖谷
鋒鋌縱呈露靈秀居然獨無語立中流他山不能學

七盤嶺

褒谷高于天雨崖互相嚙裹水猶飛龍隨山亦千折
攀藤遵蜿蜒蛟螭出深窟曲欄如層堦羊腸上盤結
忽訝前旌迴穿林旋隱沒人行蟻垤間纖瘦動毛髮
望之搖心魂自顧氣益奪削壁孤根危太古立積鐵
累棧若附贅欲踏疑潰決側首俯萬仞高林下蓊鬱
驚濤自雷奔但見湧微雪時聞發樵響縹緲在仙闕
欬笑起雲中或是峯頭鵲雄關刺眼明異境爭狡黠
雞幘昂然來誰斲神鰐骨毫芒判生死奇境真天設
矜慎迺全身人謀胡可拙

出褒谷

七日陳倉路真如秉燭行連峰乍羈勒一徑忽通明
鳥下氏羌關山開隴漢平回頭雪樹合天半杜鵑聲
裏城阻雨

出谷宜長驅軒然豁眉宇臥聞簷溜鳴忽作蕭蕭雨
草泥擁山郭淒寂斷行旅知自沓中來同雲盡何許
羈棲念鄉井靜默對儔侶鄰叟夜初歸隔牆聞笑語
裏洒道中

客路明初霽風煙入望平人居新鐸水天幻小蓉城
眠食他鄉事桑麻故國情繖山在遂寧如可買叱犢便
歸耕

舟下襄樊北山圍漢沔東依依雙岸柳漠漠一帆風
小市林檎碧新渠水稻紅舊遊如昨夢彷彿近湘中

沔縣謁武侯祠

莫援殘局歎三分正朔居然補帝勲一笑西陵荒草
合墓門誰寫漢將軍

武侯石琴同亥白作

石骨含宮商椅桐不能倣名士真英雄人琴盡無兩
涼風生殿閣千載畱孤賞絃外知音難淵然衆山響
百牢關至青羊驛雜咏

征馬踏黃泥力盡不能努閑雲畏出山止作此山雨

一水自潺湲衆山爭合脊孤艇破煙來天然小巫峽
豺虎穿林樂蛟龍帶雨豪樹騰寒霧去雲擁斷山高
雲氣失四山空明如積水亦知峯萬重且作平原喜

大安驛

地敞三泉縣羣峯繞畫屏煙浮樵爨白雨止稻畦青
樹色籠潭毒名關溪聲走髓靈壯懷誰可說舉酒酹山
庭

大安阻雨

雨氣于山黑溪流一夕黃關河人慄慄燈火晝茫茫
淫潦成風俗蛟鼉不遁藏生涯真濩落愁對武都羌

送呂湘帆之龍安

夢道巉巖衆壑頽龍門西望亂雲堆太平久撤松桃
戍惟讓書生跨馬來

棧中懷王椒畦學浩

王郎袖得神仙筆幻出雲山風雨疾雄奇淡遠無不
宜冒學倪黃拘一律春前相遇汝南第爲我殷勤爲
墨戲仰家扇子小湘紋歛見同巒疊蒼翠圖成下筆
添菰蘆儻然令我思江湖秦關乍啟見歸客燕市重
尋失酒徒栽栽蜀道青天上鑿來鬼斧何橫放人馬
蟠空返照濃世間無此好屏幃鳥路縈紆通杳冥紅

匳裏背笠子青垂巖破碎嵌雲氣長峯排岩磨天星
子規叫雨緩晝吟側身西望開煩襟陳倉劒閣環抱
一千里一樹一石皆足榮園林安能縮歸尺幅挂蓬
草使得解衣高臥如登臨醉倚征驂屢回顧馬蹄驚
速畱難住金碧鮮明赭罌殘看山盡是思君處書劒
飄搖絕可憐層巒過眼隨風煙拈豪空憶李思訓並
騎難邀吳道元何時雨裏攜雲棧請君重爲開生面
願預莫仿大同殿要畱曲磴微通線依稀著我丹崖
畔

雨後過五丁峽

一髮坼青冥，蟻路何纖微。我行新雨後，耳目攢靈奇。
蛟螭突兩崖，牙角森髻髻。懸流爭赴壑，轟若萬馬嘶。
疲驂盤澗底，怒浪吞腰圍。百指競推挽，出沒浮鳧鷖。
迴梯真暗踏，蕭蕭如銜枚。急瀑奔大石，突兀來元龜。
顛忘五丁峽，恍惚穿巫夔。雄關據山凹，宛在水中坻。
憑關招我魂，彷彿聞子規。那堪滴水巖，南傾勢益危。
石室嵌路側，白日虬龍垂。濤聲下千折，人馬隨之歸。
羃歷迸珠泉，蒙頭飛散絲。居然墮江海，不復驚嶮巇。
出峽聚牛宮，僮僕紛燎衣。舉酒息腰腳，漸覺形神怡。
衆險一朝盡，吾生猶可爲。轉頭失惡夢，何事噫吁噫。

寧羌州

不過金牛峽安知此地平
亂峯猶簇擁數畝忽縱橫
柳暗魚鳬國花明羊鹿坪
連朝山雨足時有此牛聲

遊慈嶺同亥白作

卽龍洞背

西歸訪名山慈嶺秀無敵
兀如百丈臺叢樹團秋色
削壁勢橫撐崖下龍門折
轟然東衆流萬馬爭一櫪
頗聞最上頭幽異凌空積
同氣得尙禽鈎深復何惜
杖藜尋古逕時見蜿蜒迹
俛驚塗毒鼓仰接垂雲翼
狂飈吒足音花草亂扶屐
老幹忘冬春危根養孤直
連林苦糾纏各擁瓊瓏石
有石必萬竅肉好出神力

沈沈何王殿怪鳥聚簷額玉座長寒苔塵黯如客
更披虎豹叢忽露仙靈宅空明小石城三戶敞虛白
日瘦鍾乳堅風泉漏巖隙寰區擾羣動繁響此中寂
靈境自常留人心驚乍獲若置蒜山泉彈指炫金碧
葆真畏疏鑿甘向遐荒匿談笑謝吳人金焦奇不得

金鼇嶺

金鼇飛仙二嶺明神廟時所鑿皆有遣官致祭碑

泠泠鼇背雨蕭瑟似秋殘石逕臨江仄山風撲馬寒
豐碑何代祭神物此中蟠愁望嘉陵棹飛鳥下急湍

飛仙嶺

徐佐卿化鶴之所

斷石真奇放飛仙定有無野花開白芨斜日下烏奴

雨霽嵐光合崖傾閣勢孤利州風力勁何處覓村西

山腰卽目

滿巖猿鶴笑孱顏醉帽頻欹翠靄間足底蟬聲高岸
柳眼中雲氣隔州山燒畚火逐樵風去啄木禽驚獵
騎還遠水濛濛迷雉堞孤城錯認是鄉關

嘉陵江上

利州山水淡宜秋波汙潯緩繞郭流髣髴巴渝東去
路一帆風雨峽中舟

桔柏渡懷何易于

三水依然繞縣流唐家仙吏古無儔
權茶獨喜焚明

詔腰笏何妨引畫舟碑下耕農應墮淚桑陰蠶婦不
知愁咸通舊史孫樵筆常使行人重利州

入劔閣

劔門倚天漢石勢儼城郭連峯攢雉堞千朶芙蓉鏑
綿延忽中斷巧匠不能鑿自古用一夫萬命繫孤閣
峩峩障三川欲度愁鵬鶚造物鑿奇詭英雄就羈絡
我心戀鄉關赴險忘其惡如將起沈疴必投瞑眩藥
頻年閨萬里何日息腰脚故國與故都望之暢然樂
況逢明盛世大道通羌笮瀚海猶堂隍茲山直簾幙
長吟對關吏笑傲指林壑西行故舊多飛鳥漸有托

歸途老馬識所向亦踴躍三復杜陵詩此筆竟難攔

劍州

重陽亭外晚涼時溪水琤琮下瀨遲漠漠土花侵漢
壘淫淫山雨蝕唐碑雲連野色長松古鳥避嵐光大
劍危計日郵籤堪送險臨風休怨柳千絲

劍州官道古松歌

長松不合綰離別一望雲巒盡蕭瑟海風怒攫龍畫
吟白日無光照巖缺橫蟠百里如饕籠奇姿萬態羞
雷同相逢往往若緇素不然此髯鐵肋真英雄卿胡
爲此鄙瑣事細看懸佩書官字嶺頭日日送行人銷

盡擎雲無限志吁嗟哉羣生位置亦有緣山林廊廟
皆徒然君不見眉山大節凜千古英風偉幹凌中天
桄榔林外老閑散不如檇櫟終天年又不見滇南謫
戍古遺直踏歌放浪悲蠻煙金雞永絕刀環夢至今
相門雙桂空連蜷知君不詔煙霞癖大野通都聊混
迹道旁終有有心人偃蹇龍鱗當自惜怪石何年同
入貢轉教楓柳爭嘲弄棟梁之遇自古難可歎大材
成小用

武連驛夜雨

頓訝寒如此驚心節序訛歸人鄉夢促古縣雨聲多

難響疑金鐵山容想黛螺來朝行不得閑絕是疲驂

阻雨

涼雲流太虛絺綌淒以風炎炎方五月氣味如初冬
病肌寒起栗羨煞羊裘翁冒雨坐終日一山當戶濃
阻雨二日與亥白搜剔武連軼事咏之得四
首

武侯坡

西望成都桑東望陳倉樹隆中歸夢絕終老三巴路
英雄不可爲臨風淚如江

逍遙樓

平原凜大節餘事亦千古
剩墨照空山猶堪辟豹虎
欲訪逍遙樓濛濛隔寒雨

覺院寺 宋元豐敕牒
盧雖八分書

古佛飽風霜螺汗蓮燈死
時有頻迦鳥來啣貝多子
僧殘敕牒誣誰辨元豐璽

種松鄉 晉郭璞遺跡碑刻云縣路翠武功
貴縣路青武功榮武功即武連

松風自招隱過客幾人歸
月靜棲元鶴霜清滴翠微
遙憐灞橋柳補種又成圍

上亭驛 即郎當驛

野曠遙開萬嶺環松龍千里落
眉間人煙漠漠如三

輔暝色濛濛到百蠻
怒懶憎吟諸葛鼓
澹雲窈窕長卿山
銷魂重過郎當驛
綠鬢蒼涼匹馬還

出棧

馬嘶人語亂斜陽
漠漠連阡水稻香
送險亭邊一回首
萬峰飛舞下陳倉

天彭井絡指螺收
險語驚魂逐處留
明日題詩歸夢穩
澹煙喬木是綿州

月夜宿梓潼

月上潼川郭
窗明夜色閑
水雲通故國
杯酒送殘山
人悵連年別
天教萬里還
喜心翻倒劇
撫枕望鄉關

山近多秋氣炎涼物候偏雲黃初打麥樹暗未鳴蟬
不用尋方麴依然御楚綿陰蟲何太早終夕語燈前

綿州

古羅江後省入德陽域今改綿州

潯水依然綠山城幾易名田腴知俗厚民秀想時平
關擁龐侯墓人耕漢相營峰迴鄉路近日暮馬蹄輕

蟬

成都作

槐黃滿地午陰遲耐盡炎涼代序時吟苦每邀秋士
和心清難語夏蟲知遍依碧樹終無定強伴金貂恐
未宜一枕故園風露冷平蕪落葉悵歸期

過東禪寺

自成都回遂寧途中

不厭常爲客東禪十度來兒童知姓字面自笑塵埃
嬾性真如識中年急景催兩州分八口離緒獨徘徊

題沈馬池上新居

遂寧作

八口飄如不繫舟營巢計拙愧鳴鳩故園三徙成流

寓

始居東門次移北門
今移西門皆借居也

子舍常虛更遠遊賃廡人高

貞苦節卜居心瘁慕靈修勞生自問吾何有大戶空

衙署醉侯

船山詩草卷三

船山詩草卷四

遂寧 張問陶 仲治

出山小草

已酉

已酉十一月七日遂寧西門橋下別家人

去年話別青春深燕山落日多歸心今年暫歸足高
寄車馬催人隨計更能分骨肉是浮名似此毛錐真
可棄高堂雪鬢如垂絲階前再拜將安之附書他日
空傷別何似臨岐立少時市橋水濁流偏駛水清不
照遠遊子關山遼闊客心長萬里之行從此始

簡州曉發

催上籃輿夢未殘
積蘆如雪覆空灘
風搖落月征衫冷
城逼荒江夜柝寒
閱世漸深詩律謹
立錐無地別情難
雍陶舊句重拈得
折柳橋南駐馬看

黎明過石盤驛

霜重羊裘薄
山繁鳥路紛
殘星避初日
古樹宿荒雲
問舍蝸難寄
沽名硯未焚
半生悲道長
辜負小窗芸
遊石佛寺

石竇疎鐘冷
廊腰曲磴偏
寺荒山自擁
僧蠢佛能憐
谷鳥通樵語
松風和澗泉
一灣雲棧小
丹赭積天然

十二月十日發成都留別內子

敢厭年年萬里行
故園無地可歸耕
雪窗夜話卿知
我久似高柔少宦情

八懷蟠子信如神
吉夢新占小玉麟
預喜將雛春正
好紅箋早晚報征人

彌牟道中

不喜彌牟道頻年
動客愁離情縈昨日
浪跡歎重遊
驛路通車轍人煙煖
市樓鄉心征馬識
百里故淹留
和亥白同發成都韻

急裝衝雪破重關
萬里微名共往還
舊句尋從雲樹

外殘年消向馬蹄間模糊鄉井征人夢冷落風塵壯
士顏何日與君霑薄祿卜油溪上買青山

德陽途次

征衣怯曉風初日可憐紫寒霧沈亭江微霜凍犀水
客行當歲暮惻惻戀鄉里北望鹿頭關羣山如聚蠟
去來遊早倦奇景亦庸矣思家預擬歸陟險愧人子
情重別逾難途危氣先靡年來閱世深真幻識所以
至樂在團樂浮名何足喜

綿州客夜

倦客辭家月易圓年來離合太紛然不安旅食懷中

饋又拂征衣向左綿繡襖含香春甘四錦鴛分羽路
三千秦嘉上計真無賴珍重成都十樣牋

李業石闕

漢書閩行傳李業字巨孫不仕
莽歸蜀公孫述劫之仰藥死

巨孫埋恨處石闕尙嶙峋仰藥完忠義還山舊隱淪
燔臺渠自取躍馬爾何人一死同千載因君惜美新
綿州思賢堂祀漢唐
宋諸賢子雲與焉

途中見鸚鵡

錦繡玉粒强支持不及羣飛度隴時漫倚人憐名字
好惟應自惜羽毛奇我如作賦才空費汝亦無言事
可知一卷金經銷慧業隔林鷹隼莫相疑

三過上亭驛

驛古長松健冬寒小市清浮雲通雪嶺遠樹辨青城
鈴語嘲天寶山容護漢營上亭三駐馬風雨自無情
柳溝

凍樹點歸鳥寒煙帶晚樵人家多夾岸溪水不平橋
春色他鄉緩離情落日遙雪晴鳥相冷鳴馬暮蕭蕭
臘月十八日出關憶內瀕行內于約以是日
移居芙蓉西院

山川滿眼隔鄉閭西望成都思有餘翠羽夜寒棲不
定梅花香裏夢移居

殘年客路又逢春

後二日立春

雪虐風寒劍外人正憶含

情味飛絮芙蓉小院畫簾新

雪後宿大木戍

大木戍卽古術嶺

瘦嶺聚靈奇人煙澹不怕
霧雪千樹惡戴雪一峰危
廟古山君得崦空木客移
拊床驚鬪鼠嘆息此何時

嘉陵江上立春寄內

人別春未歸春歸人已瘦
東風如我心吹八君懷袖
遙憐玉窗月曉夢隨征鞍
掩鏡謝膏沐下簾香霧寒
感看臨別詞萬里乍分手
欲續斷腸吟愁夢語難剖
我踰馬鳴閣君隔芙蓉城
獨旦望子美青山空遠情

客行日已遠碧草新愁滿香淚在征衣因君不忍澣
隴頭梅信杳緘愁遠寄君簪花題恨字早晚蒼浮雲
朝天驛舍與胡君兄弟夜話

客舍吾廬似真忘蜀道難舊題書夏閨今雨話冬殘
水落金鰲冷雲封石櫃寒關山勢遼闊何日到長安

龍洞背水經注謂
爲龍門閣

潛水波濤悍神龍窟宅尊羌童翻浪小石燕蹴沙昏
雪亂羣峰影山畱古鑿痕北風催急景蕭瑟憶家村

神宣驛

卽筆驛

古驛風雲積陰崖秘鬼神荒祠啼望帝遺像肅宗臣

老樹知何代青山似故人重來籌筆地立馬薦溪蘋

青羊驛

宋總管楊世安知大安軍遣屯卒養牛羊之地

邊屯久撒堠亭荒秦棧遙通客路長幾處寒衣怨刀
尺一原衰草散牛羊隴頭雲木無春色臘尾光陰易
夕陽碑版尙題淳祐事冬青回首弔錢塘

壬戌祠

在青羊驛祀水土之神

石瘦新田薄泉香古澗清禹功畱野祭羌俗重山耕
畫壁靈旗愴迎貓臘鼓輕遠遊畏飢渴逐處望秋成
出百牢關沿沮水西行遙望沔縣

山東長澗直濛濛接遠春孤城當峽口獨鳥下船唇

危棧疑無盡平原望轉新今宵荒縣酒迎慰謝氏人

黃沙驛

鄴注云武侯所開又志謂青城道士曾憩此未幾仙去故又名仙厓

大道連三輔荒屯控百牢市廛如壁壘野水自城濠
游戲仙蹤幻經營相業勞沙平征馬健天敞雪風高
重宿褰城客舍覓舊題不得慨然有作

秋卷初裝手自刪舊題狼籍滿秦關一年蹤跡渾難
定何日塵埃得少閒籠壁無人知魏野循牆有客似
香山吟魂未返詩堪祭招向荒青老翠間

由馬道至武關卽目

棧圯柳斜抱厓傾木倒垂雪消春漲急谷冷凍雲遲

仄逕窮逾拘前山復更奇吟心輸禹力疏鑿亦忘疲

青羊橋

古青羊關在青羊水上又名泮水

暮間青羊關寒煙聚孤堡四山斤斧聲嘉樹賤干草
板橋架危石泮水一彎小黑鳥波底行毆魚殊了了
杉雞雪後肥竹兔霜前狡靈境讓樵人清暉自娛老

柴關嶺雪

落葉滿山隈千林聳疎碎枝柯爭載雪鉤勒清如繪
遲迴登隴首關勢岧然對隆冬石氣威豺虎此中會
涼雲出能館飛絮逐鷗背草白斷厓枯岳崩古泉潰
冰簾織叢木蒼鼠穴其內好鳥暮相俛青翎掩朱喙

憐茲六出花晶瑩乃無配集虛自高潔附物見疵類
下坂怯凍路健馬行逾退轂鯨據鞍人騎危足狼狽
詩情灞上多險奧輸我輩奇境逗奇寒斯遊合稱最
南星夜雪

客衾乍如水門外雪花麤山東寒逾勁燈親夢自孤
癡僮眠未穩征馬夜難蘇清絕殘宵景何年入畫圖

廢邱關

項王封章
耶郎于此

剏印遲頒霸業庸風雲原只傍真龍兵殘故道軍容
墨馬過陳倉夜氣凶蛇虎尙驚關吏夢山川空受楚
人封英雄骨冷邨農笑斥堠高寒久息烽

心紅峽

峽雲微釀雪十里幾陰晴
埜鶴峰頭老疎林石上生
世緣何日謝人境此中清
欲採丹砂去春山杜宇聲

雪中度鳳嶺

嶺中最高

路遠千峯上天低鳥道橫
煙雲何代關風雪下方晴
指顧通西極蒼茫歎北征
歲除鄉信隔吟眺總關情
天半征塵澹披裘下嶺閒
舊題畱世外羸馬向人間
雲鳥來西岳兒孫小衆山
鳳州春酒熟沈醉暫忘還
除日同亥白登豆積山遊
唐冲妙先生張果

祠

仙靈少定踪飄如浪遊客浮雲渺無際泥爪時留跡
我行忽永久跬步異今昔改歲在須臾春歸豈嫌迫
祭詩古鳳州默飲情殊格笑索阮囊貧惟餘一兩屐
晨興約遊山倚棹嘉陵碧舉頭沖妙祠樓觀嵌崿隙
崖風絕攀援似經巨靈擘及攸心轉危孤逕不容掖
培風作奇氣大縱煙霞癖直上儼衝雲盪然據龍脊
面壁勢若懸踵礙後人額石髮黃可梳敗葉恣狼藉
到門高鳥怪驚定氣猶逆俯窺向來路一削下千尺
剔蘚讀斷碑真幻與難釋陰廊飛蝙蝠雪竇留殘奕
風掠疎鐘鳴上磽一松瘠靈來亦偶然靈去復何惜

高寒玉座歆略剩鬚眉白不鬼當近人神明胡太隔
拘墟守荒翠恐或非良策驢背曷暫還爲余餞除夕

鳳縣除夕

鳳州城郭柳枝新臘鼓聲微客路貧萬里尋常輕舉
足一年寒暑太磨人他鄉斷酒身猶健此夕還家夢
更真欲挽青山同餞歲雲涼石瘦不勝春

元日長橋道中

去日一彈指春山又夕曛壑溫新凍解沙圻亂泉分
餘雪豔紅葉前邨煖白雲鄉關何處是棲鳥暮紛紛
自東河橋出棧晴雪苦寒戲作長歌寄舍弟

壽門

棧雲將盡山逾陡千里奇寒聚巖口冰攢雪擁古無
春況我行當殘臘後草摧木落貂狐走虎凍獮僵噤
難吼北風刺骨不聞聲但見日午羣峰昂白首涕凝
目眇吾何醜喉噎齒振咳且嘔陳倉買酒勝餘杭欲
飲如亡左右手瘦肌起粟冷腸枯頤額鱗皴忽成叟
陰氣侵眸望轉迷苦吟出吻音誰剖君不見小宋當
年意興豪紅爐翠袖傾銀斗點筆研朱樂未央不知
雪寺黃蘗猶記否又不見廬陵往時誇白戰掃除剩
語如揮帚鐵衣凍折乍的情有人詩中啣歐九畫廊

鹽絮足詩材大壑深山竟何有
吾言不謬君莫疑惜
君高臥蓬廬未膚受

益門出棧

谷轉峰巒失平原豁眼來雲天
何浩蕩今古此塵埃
對酒心猶壯干人氣漸頽不知
荒翠裏埜鶴幾時回
武功病咳

隴坂多風雪神寒夢不溫氣乖
春病肺心苦別消魂
嘔粒懷鄉味支頤積淚痕夜涼
悲自語思牖一燈昏

思牖草蟲
悲柳暉詩

薄暮登興平城樓

船山詩草

卷四

九

乘興危樓試一凭
天風浩蕩劇飛騰
人開野色耕秦
時雁背斜陽下
茂陵畿輔雲煙新
祁縣閭閻規矩舊
高曾故山西望愁
無際隴樹蒼蒼已
萬層

西安人日

東風吹我古秦川
人日題詩一惘然
隴首春光迷劍
外病中歸思聚
花前柳條欲折遙
相憶雁響先聞祇
自憐寄語草堂諸
酒伴他鄉又負豔
陽天

鴻門

繼舜重瞳貌自殊
少年書劍耻爲儒
背關逐帝規模
小縱火坑降事業
麤潦草風雲誇百
戰尋常宴飲失

黃圖美人名馬英雄豔只此丰神絕代無

華陰月夜

夜月閒如此勞勞又遠遊春寒敷水靜天迴嶽雲收
照我無聊客懷人何處樓清暉凝片影風露滿秦州

大風出潼關

撲面黃沙却倒吹他鄉多病一身危眼遮秦嶺思家
苦馬怯風陵下阪遲險阻卽今嘗已備是非何待老
方知神仙令僕尋常事真幻全灰只此時

盤豆風夕

別路迢迢歲已更玉孌湖畔雪初晴塞花飄淚可憐

色關柳惹愁空遠情泥壁昏燈盤豆驛雲鬟香夢錦
官城郵亭一夜東風急臥聽叢蘆作雨聲

靈寶縣

古塞關河闊時清小附庸斜陽隱函谷春樹見宏農
草煖明駝健沙平夜水重秦山如送客猶露雨三峰

嶠陵

沙白秦人骨山蒼夏后墳古今雙去鳥霸王一浮雲
奇險昇平忽中原大道分長鞭入霄漢我馬亦空羣

孟津河岸旅夜

楚白春無色雲黃夜有聲沙光明遠戍水氣暗孤城

客路荒燈散人家古岸平
河陽車馬靜浩蕩話長征
短夢驚鈴語春愁入雁聲
土窗通野月風柝響空城
利涉丁年吉雄心午夜平
關河家萬里何日賦西征

懷慶道中

山靄沈王屋渠流映郭門
原田春一色亂竹暮千村
遠道功名薄浮生意氣存
年年河朔路驅馬任乾坤
恩村車中作

以客爲生事將詩送歲華
交疎聊愛古吟苦暫忘家
點筆車簾隘澆書病眼花
煙霞能養性銷骨是風沙
晚過修武

女牆雉堞出林齊
鈴鐸聲中日又西
煙樹蒼然平野闊
雲天盡處太行低
人來古道楊枝遠
春入家山杜宇啼
惆悵荒城引歸思
濛濛芳草遍瑤谿

月夜過獲嘉縣

好月照行旅
流光空自寒
輪蹄波外濕
城郭鏡中看
邑小弛宵禁
農閑醉縣官
欲憑衣上影
緘夢寄青鸞

宜溝驛

驅馬黃沙裏
牢愁百不聊
風聲連上黨
雲氣入中條
日落春寒驟
天空樹色遙
旗亭一樽酒
今雨太寥寥

四過彰德

人聚五都壯城春萬柳齊雲空天直北風定日平西
漳水流前夢銅臺八舊題頻來猶故我元髮感羈栖
由磁州至杜村

菱絲荇葉一叢叢潞水春寒柳岸通記否年時騎馬
處女牆低映藕花紅
春渠夾岸可憐清萍底魚苗作隊行水稻未耕阡陌
整愛看風景似蓉城

馮唐故里

意氣原須及壯酬同時年少盡通侯孝文皇帝承平
久盡省郎潛自白頭

鄆城弔古

望望千秋亭遙遙五城陌
鄆南新柳多一雨散春碧
遺壇出林鼻沙寒土花坼
斜陽聚樵牧知是何王闕
似聞起南陽師中勞擘畫
三十成老翁所贖未頭白
擾攘過百年忽如遠行客
涼風吹東都陵荒翁仲落
英雄骨亦朽況乃廢興迹

樂城懷蘇黃門

小縣重懷古三載舊結鄰
易傳家學妙詩通長公眞
廊廟虛賢相功名痛黨人
眉州如趙郡祠廟各千春
宿樂城寄懷舍弟壽門

聽雨思吾弟聯床愛古人慮從憂患遠言到別離真
少壯行將老公卿早致身浮名何足道貧賤負君親
雪中過正定

十年慷慨向關河風雪蕭蕭客路多士慕原陵猶俠
氣人來燕趙易悲歌無奇久被青山笑欲隱其如綠
鬢何百丈紅塵吹不去垂鞭倚馬渡滹沱

雪後過新樂

人天乍高潔車馬亦閒閒
雪澹平埜朝雲明遠山
清虛集草木蕭爽來心顏
欲跨青驢背因之乘興還
野曠陰晴亂沙沈草樹涼
城寒出雞犬籬破見牛羊

人貌義皇古河流浦淑長蒲前圖畫意只是倦津梁

謁堯母陵

望都城內東南隅陵前有泉曰聖泉城外堯母鄉亦有九泉

帝德已無名母德天應小與暮讚歎窮書歟豈荒眇
重瞳泣井廩南周盛文藻神堯不言孝慈大志其好
山陵歸然存枯槁肅墓道封樹疑黃農儀容想軒皞
人行古冀方下馬拜春草更欲訪靈泉榮光浮四表
望都息馬作轅駒歎嘲馭者溫奇

圉人通馬語不能通其志欲過黃金臺苦談昭王事
心雄不償轅才大自循軌長鳴意何悲嗚呼孫陽死
天下豈無馬真知能幾人驪駒在轅下自詡九方歟

珥耳結塵纓偏髭響征鐸同阜有疲駕珠鞍百寶絳
食馬貴多肉服馬貴通神如何皮相者以瘦失騏驎
瘦骨銅聲出方瞳電影馳車中有奇士轅下爾何辭
滿城道中望西山

日暮猶停柳外驂看山不諱一生貪雲開大壑疑王
屋劒削千峰笑武擔雪後濃青連漠北春來空翠濕
燕南欒輭竹杖何年事欲典征裘換葑藍

宿方順橋

小煮魚蝦欲解顏店門流水自彎環
英英返照孤雲朗一一長空數鳥還
獨鹿山光風雨後完鴻春色有

無間勾留到處停車馬不急浮名客路閒

郎城弔丹朱

南距方順橋數里在完縣縣城之北以堯子丹朱所居故名郎

城丹朱墓在望都堯母陵壘臺側今無可考

不薄神堯子郎城弔古來啟明猶入薦囂訟最堪哀
協帝無天德賓虞有讓才完鴻春草暮咫尺見靈臺
所嗜如人傲平生好慢遊降邱誰宅土罔水獨行舟
揖讓開三統懷襄任九州負奇居局外蹤跡近巢由

清苑西郭

樓閣璫瓏映碧虛石闌橋上碾輕車春來雞距泉頭
好一寸楊稊半尺魚

高碑店垂絲古柳

春風秋雨怨長征與汝何干苦送迎幾處折來憐玉
手頻年看去似金城榮枯過眼皆無味離合關心向
有情我亦銷魂如此樹浮萍飛絮話三生

平原繫馬五更寒萬里重來蜀道難彈汗敢期新夢
好攀條常作故人看春歸驛路村墟煖樹近皇畿
雨露溥彷彿秦州風景地灞橋西去古長安

二月四日行次涿州晤內兄林樸園居涿已
五年矣時將攜家赴成都之外舅任行且有
日因作四絕誌別

塵染春衣冷舊薰燕南客思正紛紛那堪萬里人初
到遙指鄉雲却送君

輕車小碾豔陽天奩鏡囊詩共一肩應笑沙哥夫婦
俗碧油幢引向西川

謝家褰屐豔詞場歸去閑庭春正長料得圍爐味飛
絮定從天壤話王郎

南轅北轍太參差通會樓前柳萬枝却憶去年歸興
好櫻桃花落別君時

社日樸園齋中咏燕

來去經年信不違依人紫燕又飛飛恰逢社日巢君

屋可柰花時送子歸大漠平沙春淡遠畫簾香閣夢
依稀上林何似山林好雙翦爭裁計已非
短羽差池片影斜似曾相識在天涯喃喃話盡梁間
月緩緩歸憐陌上花營壘有情何日穩銜泥無定一
生差烏衣故巷憑誰問已是尋常百姓家

樸園齋中卽事

小住衡茅興未窮蓬蓬矮屋四圍風談禪說鬼忘羈
旅一穗春燈隔座紅

生涯久已付楸枰制勝無奇在不爭十日下心坐燕
趙疎簾朝暮隱碁聲

老婢如鳩白髮奇獠奴癡重飽蒸糜書生不慣於裘
馬門內雍雍太古儀

客京師月餘出無所往居若有失旅病鄉愁
百無聊賴作口號寄愁

春盡都門不見花下簾長日避風沙何須更說團樂
好便爲尋芳亦憶家

得家書

數紙鄉書積萬言眼前彷彿見山園貧憐小弟持家
早病苦中年閱世繁祿養幾時酬束皙歸期無定愧
何蕃移文歲歲勞巖壑長歎衣塵又者番

欹枕愁聽午夜砧客窗風雨一燈深五千里外常飢
走二十年來費苦吟白髮高堂遊子夢青山老屋故
鄉心家書祇作奇書讀語簡情多仔細尋

送亥白之粵東

意外俄成萬里遊炎風伏雨黯征愁中年兄弟難爲
別遠道萍蓬莫久留驅馬從君才北棧單車別我又
南州相要珍重臨岐語早晚同歸慰白頭

木棉紅隱鷓鴣聲瘴雨蠻煙詎有情嶺海妙能恢壯
志韓蘇好不在詩名但襄星使搜奇士莫咏花田漚
客旌君到雷州如憶我未妨高語擬欒城

漫興

朝衣強道勝漁簑漠漠風塵奈若何
鴻雁未來鄉國遠櫻桃初落別離多
心情嬾漫虛中歲夢影高寒倚大
戟最是羈人長記想梵雲山下好
煙蘿

夏日齋中卽事

門巷蕭閑故舊稀酒悲詩瘦減衣
圍窗中雨潤新篁弱簾下風薰乳
燕肥偶向巴童談邑事時尋鄰衲
問禪機軟紅隔處渾如隱何必煙
波買釣磯

夏日蓄草蟲數頭于室繁音競作
臥而聽之如在苔壑間亦銷夏之
一法也

却暑宜蟲語聲繁韻自閒隨風如急雨引夢入秋山
游戲紆懷抱塵勞想閉關故園松石好相賞幾時還
憶內

臘雪春風減帶圍經時客夢繞鴛幃一番梅雨迎初
伏幾度魚南勸早歸別久愈愁鄉路遠情多真覺宦
遊非將雛未報遙相憶坐看梁間乳燕飛

題蔣夫人小照

同年石琢
堂之配

斑管雲箋妙入神曇華偶現女郎身只將餘慧教夫
婿已是瓊林第一人

夏夜與從弟受之話舊

貧庶曾依漢水前，僅求衣食亦無緣。
敝袍恰向隆冬，典糶腹惟拚盡日。
眠親舊更誰容我，傲窮愁真耻受人憐。
新來偶竊芸香俸，回首飢寒已十年。

本無田舍亦須歸，八口飄然生計微。
閱歷方知貧宦好，高寒合與世情違。
一門窮餓輸紉袴，甘載昂藏困布衣。
最恨年來家事迫，屢因簪笏誤庭闈。

故國遙遙萬里情，風塵三度客神京。
無多骨肉偏輕別，有限年華易半生。
婚宦銷磨遊早倦，謗諛空闊氣全平。
秋深定作還鄉計，臥聽人間杜宇聲。

歷遍榮枯壯思沈，情多難廢短長吟。
數聯小句傳人

日萬古閑愁聚客心酒肆月高燕市冷草堂花老獨
江聲朱絃敢擬登天廟曾是當年爨下琴

題葉舍人借書舫小照

無多老樹倚雲栽小有軒窗近水開奇想竟圖恢鄴
架豪情真欲哭秦灰用心不古非時傑立志能迂乃
大才萬軸牙籤環擁處畫工可解壯靈臺

圖中不寫王人

月夜書懷

軒窗過雨嫩寒生枕簟迎秋夜氣清靜憶家人皆萬
里獨看簾月到三更雲山歷歷誰無夢風笛遙遙倍
有情記取南鄰田父語團圓真樂勝公卿

詩塘介茲時時枉過誦我紀遊詩欣賞之情
見于顏色作五律二首荅之

雲棧三年客奚囊數卷詩山中懷古日驢背憶家時
骨瘦吟常苦頭風病可醫向來言得失惟有寸心知
客舍秋聲早閒官曉夢多醉餘新句得雨後故人過
互賞逢牙曠相憐似沈何年華真可惜半向此中磨
有感

籍豔蓬壺愧此身家藏萬卷未全貧誰憐范叔真寒
士妄擬相如是富人祖德無虧畱信史

君恩逾次爲先臣

子服試名居最後搗翁罵酒空讒口圯上

傳書氣早馴

立秋前數日鄉思怛怛連夕苦不成寐閒作
小句排悶

青山歸夢太迢遙別館琴樽賸寂寥
小雨隔簾殘暑退一痕秋色上紅蕉

雨夜不寐同時塘名吉安

一簾疎雨夜無塵細檢琴書笑語真
刪盡繁華多少夢五更清絕未眠人

月夜與從弟受之臥談問形

鄉雲西望首重搔絮語渾忘夜月高
解舍兩頭真落

落故園八口更替替悲來客子心常苦慮到家人夢
亦勞賸有大言相慰藉飢寒從古鑄賢豪

咏懷舊遊十首

平生遊歷不盡于此興之所至聊存其梗概
而已

平生意氣儘癡豪儒俠禪元盡可逃孤憤常思焚筆
硯窮愁不解重錢刀天邊擊織長江遠世外看雲太
華高二十年來深自惜降心低首學風騷

蟣虱生來亦帝臣陶山常恐是前身

余生于山
東館陶

曾遊

莊嶽通齊語共擬乖崖似魯人風景至今猶可念橫

樹入夢苦難真幾時重作東平客馬頰河干訪舊鄰

東山

貧賤依人不敢狂差能脫略少年場洞庭惡浪君山
碧峴首輕車我馬黃如古布衣悲楚漢無真名手畫
瀟湘淹留八載傷心處春宅遙遙對武昌

湖廣

驚沙撲面馬蹄遲風近黃流總倒吹鄴下墳穿才鬼
賤洛中珠碎富兒奇樵居王屋無塵夢人上樊樸易
酒悲保曜全年真妙喻孫登識火是吾師

河南

記曾孤艇送殘秋潞水盈盈繞郭流十里魚鹽新澤
國二分煙月小揚州衣冠誰醒繁華夢江海遙通汗

漫遊欲指三山揮手去只愁風力引飛舟天

皖口雲山歷短篷先臣廟食至今同宋四賢祠後有祠祀先文端通

政二功名立後田園盡恩怨銷時俎豆公兩世碑銘

餘手澤忠臣廟有文端公總督三江時一年伏臘聚

村翁殘彩破帽憑君笑廉吏兒孫不諱窮慶

莫訪秦淮半里橋江南能使客魂銷帆檣歷亂迷三

楚金粉零星送六朝篷底醉眠瓜步雨雲中夜看海

門潮年來車馬疲筋骨猶爲煙波想畫橈江

風流淘盡大江空終古匡廬在望中蹤跡易隨彭蠡

雁文章難藉馬當風宅邊松菊功名澹水面琵琶際

遇窮回首潯陽餘夢影木蘭舟上月融融江

秦棧繁紆鳥路長三年三度過陳倉詩因虎豹驅除
險身爲峰巒接應忙雁響夜淒函谷雨柳枝秋老灞
橋霜美人名士英雄墓一概纍纍古道旁陝西

壓檐秋雨又淒淒感舊懷人病眼迷南阮家風惟續
鼻東坡遊跡本鴻泥未知今昔誰真幻且檢雲山入
品題別有深情絃指外水寒沙碧浣花溪

夏末枕上聽雨戲占

夢醒渾疑枕簟清電光圓劃小窗明神龍十萬開鱗
甲送遍人間夜雨聲

立秋日屋漏不寐

二十七日

枕上潺湲急雨鳴淙淙滿壁亂泉聲
爍燈照影惟孤僕
避漏移牀易五更
漫卷衾裯悲永夜
只疑昏旦促長征
故園茅屋應無恙
珍重牽蘿趁晚晴
鄉思適寄不自持
人間秋到客先知
那堪挾雨風穿屋
更作驚鳥夜繞枝
鼠穴全無藏夢處
劒鏃終有割雲時
萬間廣廈存虛願
何日能酬杜老詩

早秋漫興

天彭井絡有無間
一笑蓬萊是小山
宦味祇餘鄉夢雜
秋心不似雨聲閒
愛才奴少何須怒
排悶詩真未

忍刪稍喜空齋容嘯傲數竿修竹對孱顏

燕去巢空可自由鎮憐賈島尙并州芭蕉種後偏多
雨蟋蟀吟來易感秋口過時防惟說鬼鄉書難得勝
封侯東坡西閣吾兼愛欲就詩魂與唱酬

久從幻影悟歡場冷澹論交味正長歌愛王郎真磊

落詩憐平子最蒼涼我眉夜雪懷高士燕市新秋別

酒狂惟我故人能免俗不輕梁柳貴城陽

王叔畦同寓齋中家

蒔塘近居東舍彭田橋讀書我眉王伯雨近遊津門

猿鶴家山莫浪猜天涯乘興便歸來弟賢不笑兄無

慧身傲能憐婦有才米熟民容貧士負芋香僧許俗

人煨近來酷想還鄉樂眼底渾忘市駿臺

花馬連鑣劔閣深去來山驛對牀吟寬裳小謫三春

夢鶴翅橫飛萬里心久矣文章悲庾信偶然書記學

陳琳嶺南耆舊應如昨鐵網珊瑚試一尋

時亥白從外舅學士

東之粵

不畱一瓦累峩岷南北東西寄此身苦背錦囊憐性

癖免譏純袴幸家貧談心祇覺宜狂士得句常疑複

古人我是飄零琴酒客誰將門第傲鄉鄰

新秋五日與椒畦蒔塘補之旗樵泛舟二閘

得五律四首

城市畱殘暑秋心水際多輕篙乘逸興小艇劃明波
野色蘆中聚斜陽柳上過岸容平衍處只恨少巖阿
但覺移情好何愁勇退難親朋容簡傲僮僕惱荒寒
入畫丰神古銜杯事業完一舟雙槳靜撲面水花殘
郭外好煙水汀洲似故鄉渠高鳴雪浪蓮小膩秋光
舟楫微波穩江湖舊夢長回頭歌舞地人海自茫茫
游戲愁中事蓬窗且唱酬夢回雲棧月人上潞河舟
臨水難爲賦將歸易感秋百年多聚散文酒暫勾畱
時椒畦蒔塘補之旗樵皆將由
吳適粵余亦擬于暮秋西歸

索椒畦畫大通秋泛圖

叢蘆深柳暮蒼蒼蟹舍魚邨夾岸長
好向有情無跡處空明千里畫秋光

七夕憶內

漠漠仙雲倚玉京迢迢香霧滿蓉城
人間風露遙相憶天上星河共此情
簾肆回槎應識我鍼樓向月最憐卿
他家兒女無離恨隔院微聞笑語聲

新秋病咳不寐

欲夢鄉園苦未能映門新月冷于冰
嘔心燈下如長吉病肺秋來似杜陵
眠食闌生胡可廢參苓程效本難憑
紙衾木榻無帷幕氣味居然退院僧

清簟迎涼夢亦疎。善愁天氣薄寒初。病當獨夜難爲
客。秋滿家山定倚闌。枕上零星懷舊句。袖中重疊愛
鄉書。刀圭不忍勞僮僕。藥鼎灰殘自掃除。

病中與椒畦蒔塘補之。旗樵食蟹鄉思少寬。
蜀無蟹故也。

一生酒興寄江山。稻熟橙香且未還。不必堆盤紅磊
落。想君風致亦開顏。

家山也有菊花天。螯跪偏無入手緣。欲與江湖爭口
腹。爲分風味到東川。

秋風吹夢繞鄉園。最好琴樽閉小軒。未免以身投嗜

好年年因汝客中原

扶病開樽興自殊眼前髣髴見江湖便教委頓非儻
鬼勸學何妨誤蔡謨

風土微誇水稻香都亭舊夢本荒唐當筵輸與江南
客不得持螯說故鄉

寒蒲解縛便橫行湯鼎蹢躅尙有情慚愧東坡老居
士未能忘味苦羣生

散帙得彭田橋舊札作詩寄懷

宣武城南塵土熱伏雨闌風況愁絕袖中偶檢故人
書瞥見峨眉千丈雪故人讀書峨眉麓日嗅旃檀友

麋鹿飢寒不叩富兒門孤介能貪山水福憶昔初逢
古漢陽訂交傾蓋何清狂窮愁都忘身爲客何處桑
麻是故鄉君時寄跡風濤窟洞庭小築真超絕門對
湖光二十年題詩買斷君山月我亦飄蓬歎此身結
茅偶近楚江濱夜深醉哭禰衡墓往往高歌驚鬼神
興酣同弔離騷國蘭芷滿江總秋色磊落登樓兩布
衣闌干拍遍無人識君買偏舟向任城我驅羸馬走
神京音書斷絕星霜改秋心春夢俄三載風沙眯眼
迴愁予從古長安不易居漫趁輕帆辭潞水忽從意
外到鄉閭歸來一笑雲山白食無麤糲居無宅鄉人

饋問不相通落日亭亭如遠客槐黃強踏成都市潦
倒依人難得志偶一持杯就佛燈時因行藥過書肆
牙籤滿架插丹黃與古論交亦可傷忽地聞聲驚叔
向快如嶺海得元章相逢大笑忘城市市人咄咄驚
狂士各吐胸中所欲言旁人啼笑皆非是聯吟同上
浣溪樓終日僧寮語不休一事至今成絕調江橋門
下借中秋田橋以予將入閩于閏七月望夜相邀痛飲作借中秋詩酒會家事如毛
那可說殘秋鍛羽恁恁別寒士從來意氣真臨岐灑
淚肝腸結嗟予奔走疎文墨忽復因人遊冀北草草
風簷撲筆歸微名翻以無心得聞君射策動鄉關高

文壓盡西南山，卞和不受荆廷顧。我輩登科亦汗顏。
去年還山過箬里，逢君濯錦錦江水。客窗夜話小升
沈，彈冠却爲王陽喜。旁求 詔下紫泥新，健筆凌雲
自有真。可柰文章憎命達，青衫一領太磨人。射眼珠
光難一遇，文章如夢真。無據病中別我芙蓉城，笑指
我眉抱書去。風雪殘冬歎索居，翩然惠我空中書。書
中落落英雄淚，灑向峩眉掃空翠。忠孝如君百事窮，
人生身世都堪廢。浮世榮枯皆夢幻，人非豪傑無憂
患。天地儲才亦有方，如君那得長貧賤。我來偶竊芸
香俸，敢向雲霄誇侍從。每懷狗監薦相如，久擬士爲

知者用待鳳常培萬里雲參差短翼暫離羣
青衣江上三更月夜夜因風一夢君

食蟹謝熊式之

舉酒能忘九陌塵雙螯入手自丰神
莫將醉飽談容易飲食尤難索解人

愛君兄弟皆風雅談笑能教過客留
厩舍三間無長物一東頭佳一西頭

常笑何曾下箸遲侏儒飽死亦無奇
能知味在雞豚外便著朝衫俗可醫

論交天海氣如雲對酒狂呼笑語紛
我醉持螯原有

癖不圖嗜好又同君

暫往張家灣宿潞河舟中與補之夜話

青簾銀燭畫船輕縱不南遊亦有情
今夜鳳城諸酒伴塵沙輸我夢魂清

錦瑟含情剩惘然數行秋柳似當年
寶釵明鏡俱黃

土雲水重畱一宿緣

乙巳之行與周孺人同舟南下逾年十月悼亡

水氣侵衣未忍眠蓬窗清絕早秋天
白蘋花外三更笛疑是江南鴨嘴船

張家灣舟中作

抱塞山光遠橫空露氣平
河流明夜色水宿聚秋聲

撫枕雄心在思鄉病味成薄寒如有意苦向客邊生
不去尋歸騎偏來問客船浮生皆昨夢小住亦奇緣
暝鳥寒蘆外秋星畫舫前西風吹瘦影誰與話三川
題張蒔塘詩卷蒔將歸吳縣卽以誌別

三年離合苦參差風雨關心數卷詩從古文章交道
直一家標榜未全私

入耳繁音掃不開大聲有骨是奇才燕南塵土江南
月盡向毫端滾滾來

一枝仙桂月中橫三百人中最後生莫嘆十年春夢
吟詩名原不繫科名

前身自擬老頭陀真氣填胸信口呵手把一編如說
法風旂妙義掃天魔

神方得力儘搜求滿眼瘡痕浩蕩愁醫俗還遵醫命
法靈苗毒草一齊收

說鬼談禪坐夜分破窗秋雨細論文眼中兄弟皆離
別臨水何堪又送君

鱸魚細膾想吳淞千里蘋花水上峰張孝廉船何處
覓名流今古在吾宗

升沈無據是名場胸有奇詩道自昌他日長風騰健
羽莫將功業讓詞章

八月初九夜月

人散小窗明空廊夜有聲涼風何太早好月亦無情
瘦影猶如客寒光欲滿城團欒虛舊約忍待露華盈

中秋月下作

一奩孤月滿輪秋此夕難爲午夜遊欲寄愁心蟾影
闌替人西照古梁州

一年小別住京華何處逢秋不憶家結取今宵衣上
影他時因夢寄天涯

送椒畦赴廣東學使幕府

客舍年來氣味同茶香塵影一燈中思鄉話盡三更

雨聲箇吹殘五夜風畫意常摹真水石基聲時隱小
簾櫳感君不爲流言誤獨解憐才到阿蒙

忽檢秋衣問百蠻佛桑花上海雲間量才肩負三千
士潑墨應圖十萬山六祖尙然遊嶺外大蘇猶恐在
人間椎牛騎象多詩料真與繁華一例刪

婦翁林西崖先生初任成都縣時有人持古
硯求售匣上玉符一符下有銘其末云錫自

大君藏之渠厦子孫寶之傳有德者翁知
爲故家 賜物贖而藏之後二十年余贅其
家見之實先高祖文端公赴千叟宴時

仁廟所賜之綠端硯也爲族人所鬻述于婦婦
以告翁翁驚喜以硯歸余且曰吾始讀君詩
愛之因以女妻君豈意二十年前君早以此
作納綵之物耶余固不足副傳德之言然得
失有數婚姻有緣亦足奇也作硯緣詩四首
誌之

祖孫隔世杳難尋一硯居然問古今人媿家風疎筆
墨天還 賜物鎮山林文章但守先臣志得失安知
上帝心却笑陸生歸老日分兒空費橐中金

傷心祖硯忍重開手澤依然浣麝煤拜受遺銘慙有

德甯書信史恨無才一官偶藉凌雲頌入口全居避
債臺故物剛能傳片石那堪又歷轉輪來

十年簡對嫁黔婁一卷新詩當塞脩惟我佳人能得
解還予故物更何求學書且喜從吾好覓句猶堪與
婦謀研到香螺狂不減畫眉家世本風流

六六驚笙引鳳來墨光鬢影共徘徊袖中已遂襄陽
癖林下尤逢謝女才娶婦也須無俗韻生兒應免出
凡材白頭同守端州石肯讓他家玉鏡臺

無成

不知科第是功名別有窮通繫死生月上縊坡愁未

醒錦衣紗帽歎無成

熊式之愛余詩索還山出山二稿去累月不
還暇日過其寓齋則已雇書手別抄一冊將
以攜歸式之殆嗜菖蒲菹者也感其意作長
句謝之

滿幅煙霞亂不分誰從雲外寫浮雲憐才此地偏收
我積毀他年恐累君紙貴竟因知已得句奇終望避
人校杜陵同谷詩猶在莫愛中郎到虎賁

贈同年朱滄湄刑部

文翰

頭銜新授白雲司官冷須承上帝慈中禁文章並氣

象大賢子弟好威儀
緇經有意不圖佛識字能多非
好奇莫笑比鄰蹤跡簡澹交各愛閉門時

讀 父母及季弟遂寧書伯兄廣州書內子
成都書卽事感懷慨然有作

八口遙遙歎索居不聊似我更何如
夢中家在三更後眼底書皆萬里餘
骨肉情深秋易病功名才短計多疎
離心一夜渾無定元髮朝來落滿梳

送周補之旗樵赴廣東之外舅學士公任

七年離合總關情
銷盡離魂是此行
君去難辭雙槩急我留無著
一身輕移居却喜鄰蕭寺聽雨何堪賸

短檠別有傷心人不識羅浮情淚夢三生

時周孺人下世已五

年矣

去年秋老住巖阿頗憶西齋視共磨故國懷人猶若
此他鄉送客更如何從今有夢皆滄海對我無情是
潞河寄語長公歸去好名山一出別離多

時亥白在粵

再別椒畦蒔塘

椒畦無鄙言高澹得古趣熟讀鄒魯書於人誰毀譽
春衣三射策豈以科名故浮世重升沈先生不喜怒
處眾愈見獨歛華惟葆素報國當重來思親合歸去
淺哉王武侯刺刺談時務

蔣塘有傲骨，嬾漫隨天眞。偶然遇執衿，默坐忘懸鵲。
作字小游戲，光怪漚等倫。耳中聞梵貝，往往疑前身。
看人獨含笑，託意殊難馴。醫貧不取錢，此志何其仁。
流水豈無歸，飛鳥亦有託。古之傷心人，別具一邱壑。
我生萬山中，交遊殊落落。狷躁忤流俗，疑謗起輕薄。
胸中熱血紅，欲吐全無著。感君遇我厚，不隨衆口鑠。
進以保身術，益以匡時略。君如品怪石，嗜奇忘醜惡。
我如對異書，開卷得歡樂。

秋風吹我衣，還山苦不早。君歸問庭幃，離別亦云好。
戚戚懷故鄉，綿綿悲遠道。勞人一寸心，欲說殊草草。

努力守清貧清貧古爲寶

外姑杜恭人將赴廣州以亡婦周孺人脂箱
粉盞及殤女阿梅衣衫弄物貽余燈下不寐
淒然有作

雲華一現可憐紅銷向愁中復病中二十四年如短
夢人間風信太忒忒

釵鬟久閉縷金箱臘粉零脂易渺茫何處招魂呼妙
子年來三度過稠桑

風雨當年負好春苦搜蠶篋助清貧俸錢此日空營
奠誰向泉臺覓故人

忍讀陳王金瓚詞燈前難譜斷腸詩一襟花鳥春衫
小尙記牙牙學語時
客心秋老向誰開潘鬢中年亦可哀夢入夜臺惟白
曉離鸞雛鳳不重來

九月二日得家書知七月三日生女以枝秀
名之

剖得雙魚萬里遲七襄新織引珠詩憐余故國天邊
遠問汝前因月上知習禮他年宜學母慰情此日似
生兒思歸預想還鄉樂繡襦初添玉一枝

船山詩草卷四

